

御選元詩卷第四十三目錄

七言律詩二

楊仁風一首

張野一首

元淮二首

郭昂三首

陳伯通一首

劉懷遠一首

皇甫琰一首

王柔一首

方回七首

從選元言
戴表元十二首

仇遠二十四首

白珽七首

胡長孺一首

龔璘四首

袁易九首

郭麟孫二首

趙時遠一首

黃庚二十三首

尹廷高十首

潘奕一首

劉應龜一首

趙文一首

劉將孫一首

劉邊一首

變元圃一首

陳達觀一首

劉深一首

劉壘二首

劉麟瑞五首

伯篤魯丁一首

吳澄五首

姚燧二首

字术魯翀一首

盧摯一首

埜喇一首

李孟一首

梁曾三首

陳孚十五首

御選元詩卷第四十三

七言律詩二

楊仁風

送楊治中例免北歸

不及瓜時謝政還
離筵草草送歸鞍
將身許國心元壯
立事無功興易闌
萬疊雲山孤劒晚
一鞭風雪短亭寒
馬頭依舊長安道
未是人間行路難

張野

壽李秋谷

璿階曾共近清輝
一旦雲鵬九萬飛
再入中書今亦有
兩封上國古全稀
霜侵吟袖趨朝去
香惹官袍侍講歸

同使斯文躋壽域且休回首北山薇

元淮

郊行

城東一簇野人家門枕清流淺帶沙籬角欲晴喧燕雀
門前過雨溼桑麻橋因春水三番斷柳礙東風一向斜
景物似知寒食近村村開徧野棠花

蘇堤秋宴

南北高峰鎖翠雲山藏樓閣帶煙輕欲凋楊柳猶貪舞
半破芙蓉未老成波底畫橋天上動湖邊珠翠鏡中行
水晶萬頃浮波面照出孤山分外清

郭昂

客燕

昨夜鄉關入夢遙
月明魂斷更難招
鬢邊白髮愁能種
囊裏黃金日易銷
尺璧自慙投暗室
前途何處是青霄
龍沙見說難容客
客八月尖風徹敝貂

簡杜季明

白髮刁搔五十餘
也隨時宦覓新除
功名未了牀頭劍
活計空存架上書
蟲臂敢勞私造化
獐頭深愧強趨趨
春風但假吹噓力
早趁花期到敝廬

偶感

滿眼黃塵興已闌
閉門高卧且加餐
一燈兒女團圞易
千古風雲際會難
檐外日暄捫蝨坐
庭前月出舉杯看

翠藤儘著參天長不與孤松並歲寒

陳伯通

海青馬生肝

驚呼乳盞意怱怱便覺餘香鼻觀通露滴水盤藍玉軟
風生霜刃碧囊空舞娘驚濺羅衣綠酒客潛消醉臉紅
若使昔人知此味羊頭爛煮不成功

劉懷遠

明秀亭

明秀亭前水渺茫山明水秀類瀟湘闌干十二東風軟
蝴蝶一雙春晝長沙暖偏宜鷗鷺宿城高不隔芰荷香
晚來公府無餘事閑伴詩人入醉鄉

皇甫琰

遊澤州青蓮寺

斜分一徑下林巒
金碧觚稜紫翠間
羣嶺秀攢青菡萏
孤峰突出玉湖山
鑿開一屋乾坤小
占斷千年日月閑
浩浩兵塵滿河朔
天風吹不到禪關

王柔

吳江即景

浩浩澄江杳若空
飛梁橫截與天通
深春風豁前山暝
清曉潮乘北海風
日月盡從金鑑出
乾坤都在玉壺中
明朝即入盤門去
俗事塵心未易窮

方回

次韻劉元暉初寒夜坐

并序

元暉示新詩其初寒夜坐有云四壁兒糊如暖障
一燈妻占補寒衣清灑有味因獨和此一篇爲謝
山肩寒聳月隨歸櫓拙爐紅閉板扉跨竈郎來溫課冊
齊睂人爲摺深衣花傳喜信燈如語草就佳篇字欲飛
舊日聲名劉夜坐能傳家鉢似君稀

偶亦夜坐用前韻

林禽畏冷暮爭歸水上荒城早闔扉敲月會綦迎阜納
斧冰供茗喚青衣齧其老馬廐中響瞰燭癡蛾窗外飛
忽報樓頭禁鐘動平生樂事歎今稀

湓城客思

客懷歷落事多違，歎息流光似箭飛。
雪後萋萋初薦酒，花前蛺蝶欲穿衣。
熟知江水磨今古，難向春風問是非。
悵望廬山但愁絕，萬重雲鎖幾禪扉。

二月十五晚吳江二親攜酒

今日山城好事新，客來誇說齒生津。
喜晴郊外多游女，歸暮溪邊盡醉人。
鮮筍紫泥開玉版，嘉魚碧柳貫金鱗。
一壺就請衰翁飲，亦與花朝報荅春。

大雪出三橋寓樓

凍雀愁鳶噤不譁，漫天浩瀚逐風斜。
映樓橫過三千丈，接屋平鋪十萬家。
靜夜有窗皆貯月，寒空無樹不開花。
詩成欲撚冰鬚斷，聊舉深杯荅歲華。

留題槃隱高士王子由書齋

萬宇橫陳碧瓦齊
濃嵐淡靄總詩題
隔江煙樹窗中細
過海風檣檻外低
琴僅可絃星半缺
鐸因欲畫雪新泥
南華卧讀兩三卷
猶喜晴簷日未西

次韻夾谷子括吳山晚眺

詩眼書胸碧宙寬
暮天搖落縱遐觀
霜明楓葉紅於染
春點梅梢玉不寒
北望遙迎書鴈至
南烹屢饜鱸魚殘
一規明月懸江海
幾許人家夜枕安

戴表元

杭城風雨中簡子昂

五月錢塘風雨秋
懷人頻倚面山樓
雲收樹色遙成海

水作江聲暗入溝一斗盡輸無事飲千金不買辟寒裘
自憐寂莫無元學車馬門前過似流

林村寒食

出門楊柳碧依依木筆花開客未歸市遠無錫供熟食
村深有紵試生衣寒沙犬逐遊鞍吠日落鴉銜祭肉飛
聞說舊時春賽罷家家鼓笛醉成圍

十月朔旦寄貴白兄弟

黃牛村前秋葉飛青螺峰外海雲歸故人相思雪滿髯
客子獨行風舉衣烏鵲定占誰屋喜鱸魚知比去年肥
當時歌酒江湖上百里音書今亦稀

次韻和蔚師鑑師春懷

愁是雲陰喜是晴春遊何處不關情黃雞亭館琴三弄
青果杯盤酒數行滿砌雨添新筍密隔牆風送落花輕
鑑湖湖上樵山老破帽枯藤過一生

己卯歲初葺剡居

休言聲跡轉沈淪百折江湖亂後身窮未賣書留教子
飢寧食粥省求人坐來齒避樵蘇長往處蹤迷木石鄰
翻笑古來逃世者標名先製隱衣巾

秋盡

秋盡空山無處尋西風吹入鬢華深十年世事同紈扇
一夜交情到楮衾骨警如醫知冷熱詩多當曆記晴陰
無聊最苦梧桐樹攪動江湖萬里心

正仲今年鄞城之約不就因次韻慰悅之

莫怪詩翁不出山詩多那得是山間清溪欲暖鶯啼樹
白日無人犬卧閑不惜野花簪素髮時憑春酒轉朱顏
當年阮籍何曾達直到途窮始哭還

四明山中逢晴

一岡一澗一縈隈新歲新晴始此迴莎坂南風寅蛤出
茅簷西日乙禽來人迷白路羊羣石水卷青天雪裏雷
猶是深山有寒食梨花無數繞巖開

辛丑歲十一月二十六日東歸舟中示三子

節物悠悠不負公江行三日雪花風雲侵賀監山亭白
日在徐仙海島紅自笑得雛如病鶴也思結伴附歸鴻

何時辦得村田活糲飯魚羹百指同

舒子俊見過

來往通家不厭頻青山心性白雲身陰林石溜風傳語
霜月溪梁水寫真歲儉魚鮭難猝致天寒烏鳥自相親
燎爐新暖糟牀響隨分相留作好春

江村遇九日

去年九日江城角尚得臨風把一杯今歲并無黃菊看
誰家更遣白衣來身猶是鴈飛難泊時不如潮去解回
還有南山會人意晚舟相對碧崔嵬

送旨上人西湖并寄鄧善之

聞說西湖也自憐君遊更傍早春天六橋水暖初楊柳